

L I G J

Nr. 8510, date 15. 7. 1999

PER PERGJEGJESINE JASHTEKONTRAKTORE TE ORGANEVE TE ADMINISTRATES SHTETERORE

Ne mbeshtetje te neneve 78 dhe 83 pika 1 te Kushtetutes, me propozimin e Keshillit te Ministrave

K U V E N D I

I REPUBLIKES SE SHQIPERISE

V E N D O S I:

KREU I

DISPOZITA TE PERGJITHSHME DHE PERKUFIZIME

Neni 1

Pergjegjësia jashtekontraktore e organeve te administrates shteterore

Organet e administrates shteterore pergjigjen per demet pasurore dhe jopasurore jashtekontraktore, qe u shkaktojne personave fizike a juridike, private, vendas a te huaj.

Pergjegjësia jashtekontraktore e organeve te administrates shteterore rregullohet me dispozitat e ketij ligji dhe te Kodit Civil te Republikës se Shqipërisë.

Neni 2

Perkufizime

Per qellimet e ketij ligji termat e meposhtem kane kuptimet si vijon:

"Pergjegjësia jashtekontraktore e organeve te administrates shteterore" kuptohet detyrimi i organeve te administrates shteterore per te shperblyer demin qe keto te fundit i kane shkaktuar interesave te personave private ne ushtrim e siper te funksioneve te tyre publike.

"Rrezik i vazhdueshem" kuptohet mundësia e perhershme per te shkaktuar dem, si rezultat i veprimeve ose mosveprimeve te administrates shteterore.

"Mjete teknike" kuptohen mjete te tilla si semaforet, tabelat e qarkullimit rrugor, ndriçuesit per rregullimin e trafikut ajror, detar etj.

Neni 3

Rastet e pergjegjesise se organeve shteterore

Organet e administrates shteterore pergjigjen per demet qe u shkaktojne personave fizike a juridike private ne rastet qe vijojne:

- a) kur kryejne veprime a mosveprime te kunderligjshme;
- b) kur kryejne veprime a mosveprime te ligjshme, por qe sjellin demtimin e interesave te ligjshme te personave fizike a juridike private;
- c) kur, megjithese kryejne veprime a mosveprime te ligjshme, u shkaktojne nje dem te pabarabarte subjekteve te cileve u drejtohet ky veprim a mosveprim;
- ç) kur, per shkak te mosfunksionimit te mjeteve teknike me te cilat organet e administrates shteterore ushtrojne veprimtarine e tyre, persona fizike a juridike private cenohen ne interesat e tyre te ligjshme;
- d) kur u shkaktojne nje rrezik te vazhdueshem personave fizike a juridike private.

Neni 4

Pergjegjesia vetjake e punonjesve te organeve te administrates shteterore

Ne ushtrimin e funksioneve shteterore, punonjesit e organeve te administrates shteterore nuk pergjigjen per demet shkaktuar personave fizike a juidrke private ne rastet e parashikuara ne nenin 3.

Punonjesit e organeve te administrates shteterore, perjashtimisht, pergjigjen per demet qe u shkaktojne personave fizike a juridike private, kur vertetohet se ata kane vepruar me keqbesim.

Ne rastet e parashikuara ne paragrafin 2 te ketij neni, organi shteteror punedhenes, pasi demshperblen palen e demtuar, ka te drejte te kerkoje nga punonjesi fajtor kthimin e shperblimit qe ka paguar.

KREU II

LLOJET E DEMSHPERBLIMIT

Neni 5

Kthimi

Kthimi, ne kuptimin e ketij ligji, ka te beje me kalimin fizik te nje sendi ose me rivendosjen e nje te drejte, gezimi i se ciles ishte pezulluar per shkak te veprimeve ose mosveprimeve te administrates shteterore te parashikuara ne nenin 3.

Neni 6

Shperblimi

Shperblimi qendron ne pagimin e nje sasie te hollash per te barazpeshuar nje dem, i cili nuk mund te ndreqet ne menyre te drejtperdrejte.

Neni 7

Zhdukja e shkaqeve qe sjellin demin

Nese demi shkaktohet nga ndryshimi i nje situate juridike ose faktike, e cila nga ana e saj, e ka origjinen ne nje akt te administrates shteterore, organi kompetent i kesaj administrate menjanon pasojat, nepermjet rivendosjes se gjendjes se meparshme ose, kur nje gje e tille eshte e pamundur, nepermjet vendosjes se nje gjendjeje te ngjashme.

Zhdukja e shkaqeve qe sjellin demin nuk zbatohet kur rivendosja e gjendjes se meparshme ose e nje gjendjeje te ngjashme eshte e pamundur. Ky lloj demshperblimi nuk zbatohet, gjithashtu, kur gjendja ekzistuese eshte shkaktuar nga nje akt administrativ, i cili eshte bere i pakundershtueshem per te demtuarin.

Neni 8

Raportet ndermjet llojeve te demshperblimeve

Ne rastin e shkaktimit te demit pasuror, organi kompetent i administrates shteterore vendos te pranoje kerkesen e te demtuarit per kompensim ne te holla ne vend te zhdukjes se shkaqeve dhe te kthimit, vetem ne rast se kjo zhdukje e shkaqeve dhe kthimi nuk jane te mundur.

Ne rastin e shkaktimit te demit moral, shperblimi behet ne te holla.

Demi moral konkurron me demin pasuror dhe me demet e tjera jopasurore.

KREU III

NOCIONET THEMELORE TE PERGJEGJESISE SHTETERORE

Neni 9

Perjashtimi nga pergjegjesia

Organi i administrates shteterore nuk pergjigjet per demin e shkaktuar si rezultat i veprimit ose mosveprimit te tij, ne qofte se demi nuk do te mund te shmangej edhe nese do te ishte treguar kujdesi i duhur gjate ushtrimit te funksioneve shteterore, ne pajtim me rrethanat.

Perjashtimi i mesiperm nuk zbatohet ne rastin e mosfunktionimit te mjeteve teknike.

Neni 10

Fitimi i munguar

Ne shperblimin e demit perfshihet ne çdo rast, fitimi i munguar, si dhe demi jopasuror, ne perputhje me nenin 12.

Neni 11

Faji i te demtuarit

Ne rast se, perveç veprimeve dhe mosveprimeve te organit te administrates shteterore, ne shkaktimin e demit kane ndikuar edhe veprimet ose mosveprimet e te demtuarit, masa e demshperblimit, qe duhet te jepet varet nga masa ne te cilen demi eshte shkaktuar edhe nga i demtuari.

Roli i pales se demtuar ne shkaktimin e demit dhe masa e demshperblimit qe paguhet ne kete rast, percaktohen nepermjet vleresimeve te ekspertit, ne perputhje me dispozitat e Kodit te Procedurave Administrative dhe te Kodit te Procedures Civile.

Neni 12

Demet jopasurore

1. Ne rastet kur demit ka te beje me cenimin e paprekshmerise trupore, te shendetit, te lirise ose te personalitetit, shperblimi behet ne te holla, duke mbajtur gjithnje parasysh rolin e te demtuarit ne shkaktimin e demit, sipas nenit 11.

2. Pretendimi per demet jopasurore, te treguara ne piken 1 te ketij neni, bie kur eshte e mjaftueshme zhdukja e shkaqeve ne pajtim me nenin 6, si dhe kur i demtuari eshte demshperblyer ne nje menyre tjeter.

Neni 13

Pretendime te te demtuarve jo drejtperdrejt

1. Ne rastet e vdekjes, cenimit te paprekshmerise trupore ose te shendetit, si dhe ne rastin e heqjes se padrejte te lirise, si rezultat i veprimeve ose mosveprimeve te organeve te administrates shteterore, te tretit, te cilit i demtuari ka qene i detyruar t'i beje sherbime ne shtepi ose ne punen e tij, i paguhet nje demshperblim ne te holla per demin qe i shkaktohet nga sherbimet e parealizuara.

2. Ne rast se eshte shkaktuar vdekja e nje personi, per shkak te veprimeve ose mosveprimeve te organeve te administrates shteterore, keto te fundit jane te detyruara te demshperblejne shpenzimet e varrimit te atij qe ka detyrimin ligjor per t'i paguar ato.

3. Kur i vdekuri, ne çastin e shkaktimit te demit, ka qene ligjerisht i detyruar per t'i dhene nje te treti detyrim ushqimor ose mund t'i vihej nje detyrim i tille, dhe kur i treti ka mbetur pa kete detyrim ushqimor, si rezultat i vdekjes se te detyruarit, atehere atij i demshperblehet demit nepermjet caktimit te nje pensioni ne te holla.

Detyrimi per shperblim te kesaj natyre qendron edhe kur i treti, ne çastin e shkaktimit te demit, ka qene i zene, po jo i lindur.

4. Edhe per pretendimet e te treteve verifikohet roli i vete te demtuarit ne shkaktimin e demit, sipas nenit 11.

Neni 14

Debitorët solidare

Kur pergjegjes per shkaktimin e demit jane disa organe te administrates shteterore, secili prej tyre mban pergjegjesi per te gjithë demin. Ata pergjigjen kundrejt te demtuarit si debitorë solidare.

Neni 15

Kerkimi i demshperblimit

Ne rastet kur organi i administrates shteterore shkakton nje dem, si rezultat i nje akti ose veprimi te kunderligjshem te nje organi tjeter, organi i pare mund t'i kerkoje shperblimin organit te dyte, ne qofte se nuk parashikohet ndryshe nga ligji.

Neni 16

Pushteti i deleguar

Ne rast se subjekti, qe shkakton demin, nuk eshte organ i administrates shteterore, por vepron ne baze te autorizimit nga pushteti publik, pergjegjesine e mban autoriteti publik, i cili ka kompetencen fillestare. Ne rast se subjekti i deleguar e shkakton demin per faj te tij, autoriteti delegues mund te kerkoje demshperblim, sipas nenit 15.

Neni 17

Afatet

Kerkimi i shperblimit per demet e shkaktuara nga organet e administrates shteterore parashkruhet brenda 3 vjetesh nga çasti kur i demtuari merr dijani per demin dhe organin qe e ka shkaktuar ate.

Ne rastin kur dem shkaktohet nga ndryshimi i situates, ne vend te marrjes dijani per demin, futet koncepti i marrjes dijani per rrethanat, te cilat e kane bere situaten te kunderligjshme.

KREU IV

PROCEDURAT PER KERKIMIN DHE PAGIMIN E DEMSHPERBLIMIT

Neni 18

Procedurat per kerkimin dhe permbushjen e demshperblimit behen ne perputhje me kerkesat e ligjit nr. 8485, date 12. 5. 1999 "Kodi i Procedurave Administrative te Republikes se Shqiperise".

Neni 19

Vendimi i organit te administrates shteterore per njohjen e pergjegjesise ne shkaktimin e demit, per pagimin e demshperblimit perkates dhe te mases se tij, perben titull ekzekutiv.

KREU V

DISPOZITA TE FUNDIT

Neni 20

Te gjitha detyrimet per shkaktimin e demit, qe organet e administrates shteterore kane kundrejt personave fizike a juridike private, ne rast se nuk paguhen menjehere per pamundesi financiare, futen si ze i vecante ne ligjin e buxhetit te shtetit ne vitin pasardhes.

Neni 21

Ne fund te çdo viti financiar, organet buxhetore dorezojne ne Ministrine e Financave, se bashku me kerkesen per financim nga buxheti i shtetit edhe kerkesen per sigurimin e fondeve buxhetore per detyrimet e tyre ndaj personave private.

Neni 22

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr. 2424, date 22. 7. 1999 te Presidentit te Republikes se Shqiperise, Rexhep Meidani